



In dr Kirche dörf me nümme Singe  
Das wurdi s' Virus in Wallig bringe  
Mi's krächze das muess me erkenne  
Ka me doch niemols singe nenne

Dä Värs isch z' kurz, dä Värs isch z'lang  
Bim Reime wird mr Angscht und Bang  
Värs voll Gaischt und Witz das brucht i  
Ich vermisse di Verena Burki

D'Adväntsmatinee wird uff „Zoom“ übertrait  
Do het dr Schlossagger Hans e fraid  
Zum knischtere none's Pfyffe wünscht er  
Denn tönt's wie Radio Beromünschter

E Pfarrwahl das isch so ne Sach  
Bi uns hänn sie denn albe Krach  
Uff aimol d'Kirchgmeind ei Harmonie  
Härzlig willkomme Sidonie

Es tropft und schimmlet im Paradies  
D'Konschtruktion vom Dach isch mies  
Wenn ich so wurd mis Näschtli baue  
Wär mi-n-i Frau scho lang abghaue

mm mm mm m

mm mm mm m

dank Summe und Abschtand bliibe mir jo zwäg  
und kömme in Gottesdienschdt ainewäg